

Hauora Kaupae 1

Te Pūrongo Aromatawai ā-Waho 2025



Te Marautanga o Aotearoa	Hauora
Te Rā Aromatawai	29 o Oketopa
Te Momo Aromatawai	Kete Manarua
Ngā/Te Paerewa Paetae	Kaupae 1 - 92058

Te Wāhanga 1: He Tirohanga Whānui

He kaha nō ngā ākonga ki te whakaputa whakaaro me ngā kōrero e pā ana ki ō rātou taonga. Ka whakamāramahia ngā āhuetanga me ngā tikanga hei tiaki i ngā taonga tuku iho, waihoki ko ngā pānga me te hononga o te mauri o ngā taonga ki te orange o te whānau, te hapū, te iwi rānei.

Te Wāhanga 2: He kōrero mō te Paerewa

92058: Te tautohu i ngā āhuetanga matua o te kaitiakitanga me te hononga ki te orange

Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- I whakaputa whakaaro whānui e pā ana ki ngā āhuetanga matua o te Kaitiakitanga.
- Ka hāngai ngā whakamārama ki te hononga o te/ngā taonga tuku iho ki te orange o tōna whānau, tōna hapū, tōna iwi rānei.
- Ka rongo i te nui o te aroha i ngā tuhinga, i ngā whakamārama a te ākonga me tōna ngākaunui ki te tiaki taonga.

Ko ngā Ākonga i eke ki te **Kaiaka** i te paerewa paetae nei:

- I whakamārama i te hītori o tētehi taonga Motuhake.
- I whakaahua ētehi o ngā āhuetanga matua o te kaitiakitanga.
- I whakaputa whakaaro e pā ana ki te tikanga o te whānau hei tiaki i taua taonga me tōna mauri.
- He whakamārama o te hononga o te taonga ki te orange o te whānau, hapū, iwi rānei.

Ko ngā Ākonga i eke ki te **Paetae**:

- I whiriwhiri, i whakaputa whakaaro e pā ana ki tētehi taonga.
- E hāngai ana ētehi o ngā āhuetanga o te Kaitiakitanga ki taua/aua taonga.
- I whakatakoto whakaaro e pā ana ki te hononga o te taonga ki te orange o te whānau, te hapū, te iwi rānei.